

# Fighjola

A terra ùn hà sperenza  
Sola ùn si pò difende  
In faccia à l'ignurenza  
Di l'omu chì vole vende

Smintichendu a filetta  
Per empie la so bunetta  
U rispettu ùn esiste  
Per u solcu di l'antichi

A scimizia di l'acquisti  
Hà sfattu i so vistichi  
Sfraiendu senza primura  
I muri di a cultura

**Ma fighjola u to locu  
Fighjola ogni circondu  
Da a cima à u fondu  
Si ne more pocu à pocu**

Chì n'hè ghjunta à l'abbrocu  
A richezza di issu mondu

Hè svanitu l'ideale  
Di u valore passatu  
Chì u stintu attuale  
À morte hà cundannatu

Un populu chì fù rittu  
Ma ch'avà si ne stà zittu  
Hè sradicata a virtù  
In u pettu di l'avvene

È di tuttu ciò chì fù  
Ùn fermarà ch'è fulena  
Spazzata senza rimorsu

Attempu à l'esse corsu

**Ma fighjola u to locu  
Fighjola ogní circondu  
Da a cima à u fondu  
Si ne more pocu à pocu**

Chì n'hè ghjunta à l'abbrocu  
A richezza di issu mondu

Ma fighjola u to locu  
Fighjola ogní circondu  
Da a cima à u fondu  
Si ne more pocu à pocu

Chì n'hè ghjunta à l'abbrocu  
A richezza di issu mondu

Chì n'hè ghjunta à l'abbrocu  
A richezza di issu mondu

G.F. Terrazzoni  
J.L. Massey